



PEKELILING AKADEMIK BILANGAN 10 TAHUN 2022

**PEMAKLUMAN PELAKSANAAN SESI PENGAJARAN
DAN PEMBELAJARAN (PdP) PADA SEMESTER I SESI
2022/2023 BAGI PROGRAM PRASISWAZAH DAN
PASCASISWAZAH**

Pejabat Pendaftar
5 Oktober 2022

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar & Alumni)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.100-1/3/6 (2)

5 Oktober 2022

PEKELILING AKADEMIK BIL. 10/2022

PEMAKLUMAN PELAKSANAAN SESI PENGAJARAN DAN PEMBELAJARAN (PdP) PADA SEMESTER I SESI 2022/2023 BAGI PROGRAM PRASISWAZAH DAN PASCASISWAZAH

1.0 TUJUAN

Pekeling Akademik ini bertujuan untuk memaklumkan kepada semua staf dan pelajar mengenai sesi pengajaran dan pembelajaran (PdP), penilaian dan peperiksaan akhir bagi kursus yang ditawarkan dalam program prasiswazah dan pascasiswazah pada Semester I Sesi 2022/2023.

2.0 LATAR BELAKANG

- 2.1 Melalui surat daripada Ketua Setiausaha, Kementerian Pengajian Tinggi bertarikh 19 Mei 2022, pengoperasian di Institusi Pendidikan Tinggi (IPT) di dalam Fasa Peralihan Endemik adalah dirujuk.

- 2.2 Pemakluman ini juga merujuk kepada makluman rasmi dari MQA melalui Surat Makluman MQA Bil. 7/2022 bertarikh 8 Ogos 2022, semua pengendalian program dicadangkan perlu melaksanakan mod pengendalian asal program seperti mana yang telah diluluskan oleh KPT/Badan Akreditasi.

3.0 PELAKSANAAN PENGAJARAN DAN PEMBELAJARAN (PdP) BAGI SEMESTER I SESI AKADEMIK 2022/2023

- 3.1 Mesyuarat Senat Bilangan 9/2022 yang bersidang pada 28 September 2022 telah bersetuju dengan pelaksanaan PdP, penilaian dan peperiksaan akhir bagi kursus yang ditawarkan dalam program prasiswazah dan pascasiswazah pada Semester I Sesi 2022/2023.
- 3.2 Kaedah pelaksanaan PdP, penilaian dan peperiksaan akhir Semester I Sesi 2022/2023 adalah seperti berikut:

Bil.	Sesi Pengajaran dan Pembelajaran	Penerangan
1.	Sesi Pembelajaran Kursus Akademik	Sesi dijalankan secara fizikal dengan sokongan secara pembelajaran teradun (<i>blended learning</i>) iaitu secara bersemuka dan secara dalam talian.
2.	Penilaian Kursus Akademik	Secara fizikal dan / atau secara dalam talian mengikut keperluan kursus.
3.	Penilaian Program Pascasiswazah	Secara fizikal dan / atau secara dalam talian mengikut keperluan kursus.
4.	Peperiksaan Akhir	Secara fizikal sepenuhnya.
5.	Pelajar Antarabangsa	Pelajar antarabangsa perlu pulang ke Malaysia/UTeM untuk mengikuti sesi PdP. Sekiranya terdapat kesukaran untuk pulang ke Malaysia/UTeM atas justifikasi yang dibenarkan Universiti, Fakulti boleh menjalankan kaedah pelaksanaan PdP yang bersesuaian.

- 3.3 Semua pelaksanaan PdP, penilaian dan peperiksaan akhir mestilah mematuhi Peraturan Akademik Prasiswazah dan Pascasiswazah yang berkuat kuasa dan setiap program dimestikan mematuhi MS ISO 9001:2015 yang berkaitan.
- 3.4 Sekiranya terdapat penilaian dan kaedah PdP secara dalam talian bagi keperluan tertentu, Fakulti/Pusat/Institut perlu mematuhi Garis Panduan

- Pelaksanaan PdP dan / atau Penilaian secara dalam talian yang berkuat kuasa.
- 3.5 Sekiranya terdapat perubahan pelaksanaan sesuatu kursus bagi kaedah peperiksaan akhir Semester I Sesi 2022/2023, Fakulti/Pusat/Institut dibenarkan membuat perubahan pelaksanaan kaedah peperiksaan akhir dengan memaklumkan Mesyuarat Jawatankuasa Tetap Senat Hal Ehwal Akademik (JKTSHEA).

4.0 TARIKH KUAT KUASA

Pelaksanaan PdP, penilaian dan peperiksaan akhir bagi Semester I Sesi Akademik 2022/2023 di Universiti Teknikal Malaysia Melaka bagi program prasiswazah dan pascasiswazah ini berkuat kuasa mulai 5 Oktober 2022.

Sekian, terima kasih.

“WAWASAN KEMAKMURAN BERSAMA 2030”
“BERKHIDMAT UNTUK NEGARA”
“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka